



# 御录经海一滴

## 雍正御制佛教大典

雍正自幼喜读佛典，广交僧衲，  
不仅宗教俱通，而且显密兼融



雍正御制佛教大典



# 御录经海一滴

(清) 雍正 编著

史原朋 主编



中国社会科学出版社

**图书在版编目 (CIP) 数据**

雍正御制佛教大典 / (清) 雍正编著. 史原朋主编. —北京: 中国社会科学出版社, 2003.12

ISBN 7-5004-4110-X

I. 雍... II. ①雍... ②史... III. 佛经—选集 IV. B94

中国版本图书馆 CIP 数据核字 (2003) 第 089845 号

责任编辑 周 理  
责任校对 沈 勇  
封面设计 四维奇方  
责任印制 戴 宽

---

出版发行 中国社会科学出版社

社 址 北京鼓楼西大街甲 158 号 邮 编 100720

电 话 010—84029453 传 真 010—84017153

网 址 <http://www.csspw.cn>

经 销 新华书店

印刷装订 北京科文天和印刷有限公司

版 次 2004 年 1 月第 1 版 印 次 2004 年 1 月第 1 次印刷

开 本 880×1230 毫米 1/32

印 张 71.25 印张

字 数 1200 千字

总 定 价 148.00 元 (全四册)

---

凡购买中国社会科学出版社图书, 如有质量问题请与本社发行部联系调换  
版权所有 侵权必究

## 御制序

释迦牟尼文佛大智慧海中缘起沕生，度诸众生，令入无余涅槃，普说三藏十二分，文字至为浩瀚。然佛所觉了一切诸法，未说者无论，其已说者，自西天来至震旦仅百分之一耳。然即此已来震旦者，虽一经中一品，一品中一门，一门中一法，一法中一义，一义中一句，如欲詮量演布，纵以大海量墨，须弥聚笔，写之而不能尽。虽然，此三藏十二分不作字相、不作句相、不作有言相、不作无言相。即世尊更历恒河沙数劫住世转轮，更说百万亿倍三藏十二分，终不得云“我佛如来曾转法轮”也。如是两边，俱不得丝毫滞着回互。

然则大藏经卷，如何可有所拣择耶？乃朕今者万几余暇，随喜教海于《般若》、《华严》、《宝积》、《大集》等经，卷帙浩繁者未及遍阅。但于《圆觉》、《金刚》、《楞严》、《净名》等经，展诵易周者若干部，每部各亲录数十则。其义何居？曰无量无边差别佛事，皆不离无相真心而有。即卷常舒，如来于一言语中，演出无边契经海；即舒常卷，一切法门，无尽海同会一法道场中。是以如网，有纲提之，则孔孔皆正；如衣，有领牵之，则缕缕俱来。夫《金刚经》，有演四句偈之说，佛口亲宣也。《大般若经》六百卷，而以《般若波罗蜜多心经》二百六十字，撮其指要。举彼例此，何妨向众实内探如意珠，于群药中取阿陀妙？固从本得柯，从柯得条，从条得枝，从枝得叶矣。

惟夫三藏十二分，并入无相三昧。演广非多，此是一中之



多；标略非一，此是多中之一。有说亦得，此是默中说；无说亦得，此是说中默。昔如来以不说说，故四十九年未尝转法轮；迦叶以不闻闻，故毕钵岩中无人聚会。而三藏十二分不曾着一字。朕今以不拣择拣择，故所采所录不独震旦经藏，未尝缺遗一言一句，即西天未来古佛未说者，亦复不增不减，无欠无余焉。

夫五千教典屡说降魔，而不二心宗本自无诤。佛魔对待，我人之见刺横生；邪正分疆，法执之情尘宛立。如来的旨，夫岂其然？观夫经中所载，群魔外道，当其一承佛语，率多立时皈依，愿为弟子。然则佛之降魔，只与古德为人无异，不过教化群迷，同证无生，岂其执己为正，简他为邪，种种我相人相，如此为佛，如彼为魔，而存佛见法见哉？盖佛界无量，而魔界一如佛界以无量；智海无边，而迷云一如智海以无边。我佛如来具正遍知，正知如日照中天，遍知如泽润大地。如是无量无边，魔界迷云，如来悉知悉见，为诸众生一一破除，咸归无上正觉，永不入于魔锁。凡诸问答，皆属一期方便之门。不特所问之答，为佛所开示众生，即所答之问，亦乃佛所幻化敷宣。无非析理分条，穷业识之万变；发蒙振聩，烛深覆之群幽。万派千支，滔天浊浪，入觉海而无波不息；千回百折，长夜昏衢，升慧日而有暗皆消。惟其众生多病，是以医王多药。其问也，列千千之病状；其答也，示一一之良方。迨其药病双消，法尔问答俱寂。所为化人问幻士，谷响答泉声。以八万四千尘劳门，作八万四千功德藏。以无自性真实法自证，即以无自性真实法为人。四十九年因此一大事出世，故曰“惟此一事实，余二即非真”。

若谓释迦牟尼佛，能令西天九十六种外道，悉皆摧伏，由于

辨才无碍者，不特是非未泯，犹然背觉合尘者所不必论，即丝毫许佛魔之见未消，而以辨才无碍赞叹三藏十二分，是人即为不能解佛所说义。此经云何受汝赞叹？经不云乎：“不着世间如莲花，常善入于空寂行，达诸法相无罣碍，稽首如空无所依。”夫此性经真实，性实真经，清净本然，周遍法界，学人安得妄以识心分别，作实事实境会哉？况实事实境即非实事实境，而非实事实境即是实事实境。历历交加，重重无尽。斯皆实语如语，述佛真文，非学者言思之所可明，惟达人亲证，方自了耳。

永明云：“以圣言为定量，邪伪难移；用至教为指南，依凭有据。”故师所作《宗镜录》广引群经，备彰佛意。乃尚有魔民弘忍辈，斥师为义解沙门，谓法眼宗由此而衰。其罪，与谤三藏经文无异，定堕无间地狱。夫船筏以渡迷津之者，导师为引失路之人。若其生而知之，本未尝迷，则无文无字与恒沙文字一道齐平，并不得有同异总别成坏之相，又有何义解非义解之别？若有一丝未尽，则所以净此一丝者，岂得不藉如来，善能分别诸相于第一义而不动之大智慧光、大威神力乎？又况踟躕于情尘识浪之中，彷徨于圣果凡因之际，不以佛祖如语、实语导入此宗，转用何等法门为人乃可？

《宗镜录》者，全引佛经，录其纲骨，不特是三藏十二分之旨，并且是三藏十二分之语。若谓《宗镜录》是义解者，则佛之三藏十二分，尽是义解矣！且世间凡有一文一字，一点一画，皆是义解，又何者为非义解耶？必擎拳竖拂，扬眉瞬目，胡喝乱棒，方非义解乎？若作如是会，则是义解之尤！更且无义可解，同于狂痴耳。况从上宗师为人语句，亦不过是经典中片语单词，取以为

人逗机应节，何尝离经一字？乃片语单词，则谓非义解，整章全偈，即斥为义解，可乎？既此是义解，则古今宗徒，又何得上堂说法？岂此等野狐乱统，即非义解，而我佛如来所说之微妙义趣，广大法门，转皆义解耶！

永明之意谓上上根人，目宗之一字，即入如来大智慧海，何必更问诸余？若因法利无边广，欲为人普说，则龙宫宝藏，鹫岭金文皆同一际，总无异旨，非略非详，不多不一。是以录兹百卷，凡欲学人从此入于五千教典也。末世僧徒，多愚少慧，于此百卷，犹复意怠情烦。千有余年，无人知其最尊最上。乃者朕为刊十存二，录其大纲，所以俯徇机宜，引人入胜。盖永明以《宗镜》为大藏之向导，朕又以《宗镜大纲》之书，为《宗镜录》之向导耳。

节录《宗镜》之后，因而泛览经文。下与未来众生同一倾心悲仰，上与过去诸佛同一化建无门。爰思五千教典，广博无涯，目览心周，实为不易，乃推广永明纂集《宗镜》之心，即用朕前此节录《大纲》之例，亲御丹牒，随披随录。既以受持读诵，即以刊刻颁行，导引群生入于如来普光明藏、大智度海。凡以人之根利根钝不同，乐简乐繁各别，欲探堂奥，往往之绕于门庭，未睹本原，势必难寻其枝叶。今者标兹甚深妙义，听其文势不全，则务多之者，既饮上药而化凝酥，执总之人，复探宏纲而思细目。庶几学人，由此知阅三藏十二分，而非朕于三藏十二分有取有舍也。

朕于宗乘实有所见而无疑，至于教典，向来从未研究。然了知既悟之人，根本教乘一贯，若不与佛口相应，设使妙证，亦非

究竟。不见达摩直指人心，传此教外别传，而令以《楞伽》为印证乎？且迦叶、阿难、马鸣、龙树，并是西天四七中教外别传之祖，乃种种诸经，皆迦叶令阿难述其所闻于我佛如来者，如是迨后，马鸣、龙树如佛之心，复造种种诸论。何有一经一论，不出宗门祖师之所绍述？若执宗徒水母借虾为眼之谓，则皆属自相矛盾乎？只缘未了，自心随文起执，恐违教意。是以为人简文字令其自证，简文字非是简教，亦即是明教。简亦是教，如何因简议教？若既分明自证法尔，须明佛语印可自心。何得偏生局见，惟惧多闻？若于未证之时，因诠得旨，不作心境对治，直了佛心，则有何过？学者如欲广览灵文，既可于是先窥其奥阃。如欲直探骊颌，更可从兹，即届于宝城。但莫执义上之文，随语生解；要须探论下之旨，契会本宗。言言冥合真心，一一消归自己。将积此众微，定到须弥之高广；且举斯一滴，已同渤澥之清凉矣！是为序。

雍正十三年乙卯二月十五日





## 目 录



—

御制序..... 1

### 卷一

大方广圆觉修多罗了义经..... 3

金刚般若波罗蜜经 ..... 12

### 卷二

大佛顶如来密因修证了义万行首楞严经 ..... 19

### 卷三

维摩诘所说经 ..... 43

佛国品第一 ..... 43

方便品第二 ..... 44

弟子品第三 ..... 45

菩萨品第四 ..... 49

文殊师利问疾品第五 ..... 51

不思議品第六 ..... 54

观众生品第七 ..... 57

佛道品第八 ..... 62

入不二法门品第九 ..... 63

香积佛品第十 ..... 65

菩萨行品第十一 ..... 68

见阿閼佛品第十二 ..... 71

# 御

## 录经海一滴



### 雍正御制佛教大典



二

法供养品第十三 ..... 72

嘱累品第十四 ..... 74

#### 卷四

文殊师利所说摩诃般若波罗蜜经 ..... 79

佛说仁王般若波罗蜜经 ..... 87

#### 卷五

思益梵天所问经 ..... 95

#### 卷六

佛说长者女庵提遮师子吼了义经 ..... 123

楞伽阿跋多罗宝经 ..... 128

一切佛语心品之一 ..... 128

一切佛语心品之二 ..... 135

一切佛语心品之三 ..... 140

#### 卷七

人法界体性经 ..... 159

佛说如来智印经 ..... 165

善住意天子所问经 ..... 167

#### 卷八

佛说如来不思議金刚手经 ..... 189

#### 卷九

解深密经 ..... 217

大乘瑜伽性海曼殊室利千臂千钵大教王经 ..... 230

#### 卷十

持世经 ..... 251



初 品	251
五阴品	255
十八性品	261
十二入品	265
十二因缘品	266
八圣道分品	270
世间出世间品	272
有为无为法品	273
本事品	274
嘱累品	274
卷十一	
大乘本生心地观经	277
无量义经	286
卷十二	
妙法莲华经	295
卷十三	
大般涅槃经	333
之 一	333
之 二	347
之 三	363
之 四	384
之 五	400
之 六	414
之 七	435

# 御



## 录经海一滴

之 八..... 455

御制大般涅槃经跋..... 469

雍正御制佛教大典




四



# 卷一

大方广圆觉修多罗了义经  
金刚般若波罗蜜经





## 大方广圆觉修多罗了义经

如是我闻。一时婆伽婆入于神通大光明藏，三昧正受，一切如来，光严住持，是诸众生，清净觉地，身心寂灭，平等本际，圆满十方，不二随顺，于不二境，现诸净土。

尔时世尊告文殊师利菩萨言：“善男子！无上法王有大陀罗尼门，名为圆觉。流出一切清净真如菩提涅槃及波罗蜜，教授菩萨。一切如来，本起因地，皆依圆照清净觉相，永断无明，方成佛道。云何无明？善男子！一切众生，从无始来，种种颠倒，犹如迷人，四方易处，妄认四大为自身相，六尘缘影为自心相。譬彼病目见空中花，及第二月。善男子！空实无花，病者妄执。由妄执故，非惟惑此虚空自性，亦复迷彼实花生处。由此妄有轮转生死，故名无明。善男子！此无明者，非实有体，如梦中人，梦时非无，及至于醒，了无所得。如众空花，灭于虚空，不可说言‘有定灭处’。何以故？无生处故。一切众生，于无生中，妄见生灭，是故说名轮转生死。

“善男子！如来因地，修圆觉者，知是空花，即无轮转，亦无身心受彼生死。非作故无，本性无故。彼知觉者，犹如虚空，知虚空者，即空花相，亦不可说，无知觉性。有无俱遣，是则名为净觉随顺。何以故？虚空性故。常不动故。如来藏中，无起灭故。无知见故。如法界性，究竟圆满，遍十方故。是则名为因地法行。菩萨因此于大乘中，发清净心。末世众生，依此修行，不堕邪见。”

尔时世尊告普贤菩萨言：“善男子！一切众生，种种幻化，皆



生如来圆觉妙心。犹如空花，从空而有，幻花虽灭，空性不坏。众生幻心，还依幻灭，诸幻尽灭，觉心不动。依幻说觉，亦名为幻。若说有觉，犹未离幻。说无觉者，亦复如是。是故，幻灭名为不动。善男子！一切菩萨及末世众生，应当远离一切幻化虚妄境界也。知幻即离，不作方便，离幻即觉，亦无渐次。”

尔时世尊告普眼菩萨言：“善男子！此虚妄心若无六尘则不能有。四大分解，无尘可得，于中缘尘，各归散灭，毕竟无有缘心可见。善男子！彼之众生，幻身灭故，幻心亦灭。幻心灭故，幻尘亦灭。幻尘灭故，幻灭亦灭。幻灭灭故，非幻不灭。譬如磨镜，垢尽明现。善男子！当知身心皆为幻垢。垢相永灭，十方清净。善男子！譬如清净摩尼宝珠，映于五色，随方各现。诸愚痴者，见彼摩尼，实有五色。

“善男子！圆觉净性，现于身心，随类各应。彼愚痴者，说净圆觉，实有如是。身心自相，亦复如是。由此不能远于幻化，是故我说，身心幻垢。对离幻垢，说名菩萨。垢尽对除，即无对垢，及说名者。证得诸幻，灭影像故，尔时便得无方清净。无边虚空，觉所显发。觉圆明故，显心清净。心清净故，见尘清净。见清净故，眼根清净。根清净故，眼识清净。识清净故，闻尘清净。闻清净故，耳根清净。根清净故，耳识清净。识清净故，觉尘清净。如是乃至鼻舌身意，亦复如是。

“善男子！根清净故，色尘清净。色清净故，声尘清净。香味触法亦复如是。善男子！六尘清净故，地大清净。地清净故，水大清净。火大风大亦复如是。善男子！四大清净故，十二处、十八界、二十五有清净。彼清净故，十力、四无所畏、四无碍智、佛十





八不共法、三十七助道品清净。如是乃至八万四千陀罗尼门一切清净。善男子！一切实相性清净故，一身清净。一身清净故，多身清净。多身清净故，如是乃至十方众生圆觉清净。善男子，一世界清净故，多世界清净。多世界清净故，如是乃至尽于虚空，圆裹三世，一切平等，清净不动。

“善男子！虚空如是平等不动，当知觉性平等不动。四大不动故，当知觉性平等不动。如是乃至八万四千陀罗尼门平等不动，当知觉性平等不动。善男子！觉性遍满，清净不动。圆无际故，当知六根遍满法界。根遍满故，当知六尘遍满法界。尘遍满故，当知四大遍满法界。如是乃至陀罗尼门遍满法界。

“善男子！由彼妙觉性遍满故，根性尘性，无坏无杂。根尘无坏故，如是乃至陀罗尼门无坏无杂，如百千灯光照一室，其光遍满，无坏无杂。善男子！觉成就故，当知菩萨，不与法缚，不求法脱，不厌生死，不受涅槃。修习此心，得成就者，于此无修，亦无成就。圆觉普照，寂灭无二。于中百千万亿阿僧祇不可说恒河沙诸佛世界，犹如空花，乱起乱灭，不即不离，无缚无脱。始知众生，本来成佛，生死涅槃，犹如昨梦。

“善男子！如昨梦故，当知生死及与涅槃，无起无灭，无来无去。其所证者，无得无失，无取无舍。其能证者，无作无止，无任无灭。于此证中，无能无所，毕竟无证，亦无证者。一切法性平等不坏。善男子！彼诸菩萨，如是修行，如是渐次，如是思维，如是住持，如是方便，如是开悟，求如是法，亦不迷闷。”

尔时世尊告金刚藏菩萨言：“善男子！一切世界，始终生灭，前后有无，聚散起止，念念相续，循环往复，种种取舍，皆是轮